

სოფელ სამებაში ცენტრალური გზიდან აფხაზავების მიმართულებით შიდა სასოფლო გზის
რეაბილიტაციისა და სოფელ სამებაში (ჩელტა) ნაკაშიძეებისა და წილოსნების დასახლებაში შიდა
სასოფლო გზის რეაბილიტაციის სამუშაოების შესყიდვის
სატენდერო კომისიის სხდომის
ოქმი N1

ქ. ბათუმი

2021 წლის 05 ივლისი

სატენდერო კომისიის სხდომას ესწრებოდნენ:

.ჯუმბერ ვარდმანიძე - ხელვაჩაურის მუნიციპალიტეტის მერი, კომისიის თავმჯდომარე;
.კახაბერ ფუტყარაძე - ხელვაჩაურის მუნიციპალიტეტის მერის პირველი მოადგილე, კომისიის თავმჯდომარის მოადგილე;
.არჩილ ბარამიძე - ხელვაჩაურის მუნიციპალიტეტის მერის მოადგილე, კომისიის წევრი;
.ტარიელ ნაკაშიძე - ხელვაჩაურის მუნიციპალიტეტის მერიის პირველადი სტრუქტურული ერთეულის საფინანსო-საბიუჯეტო სამსახურის ხელმძღვანელი, კომისიის წევრი;
.თეიმურაზ გაწერელია - ხელვაჩაურის მუნიციპალიტეტის მერიის პირველადი სტრუქტურული ერთეულის იურიდიული სამსახურის ხელმძღვანელი, კომისიის წევრი;
.გიორგი ქურიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ზედამხედველობის სამსახურის ხელმძღვანელი, კომისიის წევრი;
.ვახტანგ დიასამიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ინფრასტრუქტურისა და კომუნიკაციების სამსახურის ხელმძღვანელი, კომისიის წევრი;
.ხვიჩა ბერიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ინფრასტრუქტურისა და კომუნიკაციების სამსახურის, მეორადი სტრუქტურული ერთეულის საპროექტო განყოფილების უფროსი, კომისიის წევრი;
.მელანო მამულაძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი, კომისიის წევრი;

კომისიის აპარატის წევრი:

.გოგიტა გოგიტიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი სპეციალისტი;

სატენდერო კომისიის სხდომას არ ესწრებოდა კომისიის აპარატის წევრი მაია ბოლქვაძე.

დღის წესრიგი: სოფელ სამებაში ცენტრალური გზიდან აფხაზავების მიმართულებით შიდა სასოფლო გზის რეაბილიტაციისა და სოფელ სამებაში (ჩელტა) ნაკაშიძეებისა და წილოსნების დასახლებაში შიდა სასოფლო გზის რეაბილიტაციის სამუშაოების შესყიდვაზე (CPV კოდი 45200000) ტენდერის ჩატარების შესახებ განცხადებისა და სატენდერო დოკუმენტაციის პროექტის განხილვა-დამტკიცება.

მოისმინეს: კომისიის აპარატის წევრის გ. გოგიტიძის ინფორმაცია იმის შესახებ, რომ ხელვაჩაურის მუნიციპალიტეტის მერიის 2021 წლის სახელმწიფო შესყიდვების გეგმის ფარგლებში ელექტრონული ტენდერი (CPV კოდი 45200000) გათვალისწინებულია 9' 516' 329 ლარი, ხოლო სოფელ სამებაში ცენტრალური გზიდან აფხაზავების მიმართულებით შიდა სასოფლო გზის რეაბილიტაციისა და სოფელ სამებაში (ჩელტა) ნაკაშიძეებისა და წილოსნების დასახლებაში შიდა სასოფლო გზის რეაბილიტაციის სამუშაოების შესყიდვაზე არსებული საპროექტო-სახარჯთაღრიცხვო დოკუმენტაციების თანახმად ხელვაჩაურის მუნიციპალიტეტის ბიუჯეტით გათვალისწინებულია 362 310 ლარი. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების შესაბამისად შესყიდვა უნდა განხორციელდეს ელ. ტენდერის საშუალებით.

კომისიის წევრებმა განიხილეს სისტემაში განსათავსებელი განცხადებისა და სატენდერო დოკუმენტაციის პროექტი, რის შედეგადაც ელ. სისტემაში განსათავსებელი განცხადება და სატენდერო დოკუმენტაცია ჩამოყალიბდა შემდეგი სახით:

ტენდერის გამოცხადების თარიღი: 05 ივლისი, 2021 წელი.

შესყიდვის სავარაუდო ღირებულება: 362 310 ლარი.

შესყიდვის დანაყოფი 45200000, 45233220.

შესყიდვის რაოდენობა ან მოცულობა: იხ. სატენდერო დოკუმენტაცია.

მიწოდების ვადა: ხელშეკრულების გაფორმებიდან 2021 წლის 20 ნოემბრის ჩათვლით.

შეთავაზების ფასის კლების ზიჯი: 7200 ლარი.

სატენდერო დოკუმენტაციით პრეტენდენტის მიერ სახელმწიფო შესყიდვების ერთიან ელექტრონულ სისტემაში უნდა მოხდეს შემდეგი დოკუმენტების ატვირთვა:

- სატენდერო ხარჯთაღრიცხვა დანართი N4-ის შესაბამისად;

- შესასრულებელი სამუშაოების ეტაპების გეგმა-გრაფიკი დანართი N1-ის შესაბამისად;

- ინფორმაცია პრეტენდენტის გამოცდილების შესახებ:

ა) ტენდერში მონაწილე პრეტენდენტს 2018 წლის 01 ივლისიდან 2021 წლის 01 ივლისის ჩათვლით შესრულებული უნდა ჰქონდეს ასფალტის/ბეტონის საფარის მოწყობის, ფერდსამაგრი კედლების მშენებლობის, ხიდების მშენებლობა/რეკონსტრუქციის სამუშაოები საერთო ღირებულებით არანაკლებ 400 000 ლარის ოდენობით;

ბ) ინფორმაცია წარმოდგენილი უნდა იქნას დანართი N3-ის შესაბამისად, სადაც აუცილებლად უნდა იყოს მითითებული ტენდერის SPA, NAT, DAP, CMR ნომერი (ასეთის არსებობის შემთხვევაში).

გ) პრეტენდენტმა უნდა წარმოადგინოს ასფალტის/ბეტონის საფარის მოწყობის, ფერდსამაგრი კედლების მშენებლობის, ხიდების მშენებლობა/რეკონსტრუქციის სამუშაოების შესრულების დამადასტურებელი დოკუმენტების ასლები (ხელშეკრულების ასლ(ებ)ი ხარჯთაღრიცხვ(ებ)ით, სამუშაოს შესრულების მიღება-ჩაბარების აქტ(ებ)ის ასლები, შესრულებული სამუშაოს ფორმა N2. ფორმა N2-ის ნაცვლად შესაძლებელია წარმოდგენილ იქნას სხვა დამადასტურებელი დოკუმენტი (საგადახდო მოთხოვნა ან დადასტურებული საგადასახადო ანგარიშფაქტურა)).

დ) თუ პრეტენდენტი წარმოადგენს არასახელმწიფო შესყიდვის საშუალებით გაფორმებულ ხელშეკრულებებს ან/და შესრულებული აქვს სამუშაოები როგორც ქვეკონტრაქტორს ასეთ შემთხვევაში შესრულების დამადასტურებელ დოკუმენტებთან (ხელშეკრულების ასლ(ებ)ი ხარჯთაღრიცხვ(ებ)ით, სამუშაოს შესრულების მიღება-ჩაბარების აქტ(ებ)ის ასლები, შესრულებული სამუშაოს ფორმა N2) ერთად დამატებით აუცილებელია წარმოდგენილი იქნას დადასტურებული საგადასახადო ანგარიშფაქტურები.

ე) იმ პრეტენდენტებს, რომლებსაც ზემოაღნიშნული სამუშაოები შესრულებული აქვთ ხელვაჩაურის მუნიციპალიტეტის დაკვეთით, ანალოგიური სამუშაოების შესრულების გამოცდილების შესახებ ინფორმაცია უნდა წარმოადგინონ მხოლოდ დანართი N3-ის სახით.

- იმ შემთხვევაში თუ პრეტენდენტი არის ამხანაგობა, მაშინ მისმა მონაწილეებმა ტექნიკურ დოკუმენტაციაში მკაფიოდ უნდა განსაზღვრონ (შინაარსობრივად), თუ თითოეული მონაწილე კონკრეტულად რომელ ვალდებულებას შეასრულებს სახელმწიფო შესყიდვის შესახებ ხელშეკრულების ფარგლებში. ინფორმაცია წარმოდგენილი უნდა იყოს სატენდერო დოკუმენტაციის დანართი N5-ის შესაბამისად. ამასთან, დასაშვებია ამხანაგობის მონაწილეთა ფინანსური და მატერიალურ-ტექნიკური შესაძლებლობების დაჯამება, ხოლო არ დაიშვება გამოცდილების შეკრება.
- ამხანაგობის არცერთი წევრი არ უნდა იყოს რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში – „შავი სია“; წინააღმდეგ შემთხვევაში მოხდება ამხანაგობის დისკვალიფიკაცია წინამდებარე ტენდერიდან დაზუსტების გარეშე.

ფასწარმოქმნის ადეკვატურობის მოთხოვნა:

ა) თუ ელექტრონულ ტენდერში ელექტრონული ვაჭრობის შედეგად ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის დასკვნა (აკრედიტებული პირის მიერ გაცემულ დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი). აღნიშნული დასაბუთების და/ან ექსპერტიზის დასკვნის წარმოდგენილობა გამოიწვევს ტენდერში მონაწილე პრეტენდენტის დისკვალიფიკაციას.

ბ) ფასწარმოქმნის ადეკვატურობის დამადასტურებელი დოკუმენტით ხელშეკრულებით ნაკისრი ვალდებულებების შესრულების შესაძლებლობა უნდა დასტურდებოდეს როგორც პრეტენდენტის მიერ დაფიქსირებული წინადადების ფასთან (ხარჯთაღრიცხვის ჯამურ ღირებულებასთან) ასევე ხარჯთაღრიცხვის ერთეულებთან მიმართებით.

წარმოდგენილ ექსპერტიზის დასკვნას თან უნდა ერთვოდეს ხარჯთაღრიცხვა, რომლის საფუძველზეც მოხდა დასკვნის შედგენა.

გ) ფასწარმოქმნის ადეკვატურობის დამადასტურებელი დოკუმენტი შედგენილი და გაცემული უნდა იყოს საქართველოს მთავრობის 2017 წლის 26 სექტემბრის N439 დადგენილებით დამტკიცებული "სამშენებლო სამუშაოების ხარჯთაღრიცხვის ფასწარმოქმნის ადეკვატურობის დადგენის მეთოდის" მოთხოვნების შესაბამისად.

ხელშეკრულების შესრულების უზრუნველყოფის გარანტია:

1. ტენდერში გამოყენებულ იქნება ხელშეკრულების შესრულების უზრუნველყოფის გარანტია, ხელშეკრულების საერთო ღირებულების 5%-ის ოდენობით, დანართი N2-ის მიხედვით (გარანტიის მოქმედების ვადა არანაკლებ 60 კალენდარული დღით უნდა აღემატებოდეს ხელშეკრულებით გათვალისწინებული სამუშაოების შესრულების ვადას).

2. თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო

ღირებულებაზე, შემსყიდველ ორგანიზაციას უფლება აქვს გამარჯვებულ პრეტენდენტს მოსთხოვოს ხელშეკრულების შესრულების უზრუნველყოფის გარანტია 10%-ის ოდენობით.

3. გარანტიის პირობები: ხელშეკრულების შესრულების უზრუნველყოფის გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

კომისიამ გადაწყვიტა:

1. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების შესაბამისად შესყიდვა უნდა განხორციელდეს ელ. ტენდერის აუქციონის გარეშეს საშუალებით.

2. სოფელ სამებაში ცენტრალური გზიდან აფხაზავების მიმართულებით შიდა სასოფლო გზის რეაბილიტაციისა და სოფელ სამებაში (ჩელტა) ნაკაშიძეებისა და წილოსნების დასახლებაში შიდა სასოფლო გზის რეაბილიტაციის სამუშაოების შესყიდვის მიზნით (CPV კოდი 45200000) განსახორციელებელი აუქციონის გარეშე ელექტრონული ტენდერის შესყიდვის საერთო სავარაუდო ღირებულებად განისაზღვროს 362 310 ლარი.

3. დამტკიცდეს სოფელ სამებაში ცენტრალური გზიდან აფხაზავების მიმართულებით შიდა სასოფლო გზის რეაბილიტაციისა და სოფელ სამებაში (ჩელტა) ნაკაშიძეებისა და წილოსნების დასახლებაში შიდა სასოფლო გზის რეაბილიტაციის სამუშაოების სახელმწიფო შესყიდვის სატენდერო დოკუმენტაცია და სატენდერო განცხადების ტექსტი.

4. დაევალოს სატენდერო კომისიის აპარატს განათავსოს სატენდერო დოკუმენტაცია და განცხადება ტენდერის ჩატარების შესახებ სახელმწიფო შესყიდვების ერთიან ელექტრონულ სისტემაში.

კომისიის თავმჯდომარე:



ჯ. ვარდმანიძე

კომისიის თავმჯდომარის მოადგილე:



კ. ფუტყარაძე

კომისიის წევრები:



კ. ბარამიძე



ტ. ნაკაშიძე



თ. გაწერელია



გ. ქურიძე



ვ. დიასამიძე



ბ. ბერიძე



მ. მამულაძე

კომისიის აპარატის წევრი:



გ. გოგიტიძე